

SLUŽBENI GLASNIK NOGOMETNOG SAVEZA
SREDNJOBOSANSKOG KANTONA/KANTONA SREDIŠNJA BOSNA

„NOGOMET U NS SBK/KSB“

S T A T U T

**NOGOMETNOG SAVEZA
SREDNJOBOSANSKOG KANTONA/KANTONA SREDIŠNJA BOSNA**

Travnik, 25.01.2012.g.

S A D R Ź A J

I - DEFINICIJA TERMINA

II - OPĆE ODREDBE

Pravni status

Član 1.

Član 2.

III - NAZIV, SJEDIŠTE I OBILJEŽJA

Pravni subjektivitet, jezici i obaveze

Član 4.

Neutralnost i nediskriminacija

Član 4.

Pravila igre

Član 5.

Ciljevi i zadaci

Član 6.

Član 7.

IV - ČLANSTVO

Članovi Saveza

Član 8.

Prijem u članstvo

Član 9.

Zahtjev i procedura za prijem u članstvo

Član 10.

Prava članova

Član 11.

Obaveze članova

Član 12.

Istupanje i prestanak članstva, raspuštanje asocijacije člana, gubitak članskog statusa

Član 13.

V - POČASNI PREDSJEDNIK I POČASNI ČLANOVI

Član 14.

VI - ORGANIZACIJA

Organi, tijela i nezavisnost

Član 15.

Uslovi za status člana organa ili tijela NS SBK/KSB

Član 16.

VII - SKUPŠTINA

Član 17.

Članovi Skupštine

Član 18.

Član 19.

Delegati na Skupštini

Član 20.

Kvorum prisustva Skupštini

Član 21.

Nadležnost Skupštine
Član 22.
Sazivanje, predlaganje članova, kandidature
Član 23.
Vanredna Skupština
Član 24.
Rukovođenje Skupštinom
Član 25.
Izbori i glasanje
Član 26.
Donošenje odluka
Član 27.
Zapisnik
Član 28.

VIII - IZVRŠNI ODBOR

Struktura, sastav
Član 29.
Kandidature, mandat i zamjena
Član 30.
Nadležnost Izvršnog odbora
Član 31.
Kalendar sjednica, dnevni red
Član 32.
Kvorum
Član 33.
Donošenje odluka, suspenzija članova IO i pravnih tijela, suspenzija i isključenje članova komisija
Član 34.
Komitet za hitnost NS SBK/KSB
Član 35.
Nadležnost i odlučivanje
Član 36.
Predsjednik NS SBK/KSB
Član 37.
Mandat predsjednika i dopredsjednika
Član 38.
Razrješenje pojedinca ili tijela
Član 39.

IX - PRAVNA TIJELA

Član 40.
Disciplinska komisija
Član 41.
Apelaciona komisija
Član 42.
Tužioc
Član 43.

X - KOMISIJE

Član 44.
Struktura komisije
Član 45.
Sjednice, odluke i druge odredbe
Član 46.

XI - SEKRETARIJAT (STRUČNA SLUŽBA SAVEZA)

Član 47.

Član 48.

Član 49.

Generalni sekretar

Član 50.

XII - RAČUNOVODSTVO

Fiskalna godina, budžet

Član 51.

Revizija računovodstva

Član 52.

XIII - FINANSIRANJE SAVEZA

Član 53.

Član 54.

XIV – TV I MARKETINŠKA PRAVA

Televizijski i radio prenos

Član 55.

XV - TAKMIČENJA

Takmičenja na nivou SBK/KSB

Član 56.

Član 57.

Član 58.

Pravila takmičenja

Član 59.

Zabrana udruživanja ili saveza

Član 60.

XVI - DISCIPLINSKA PRAVILA

Član 61.

Disciplinske mjere

Član 62.

Član 63.

XVII - SPOROVI

Nezavisni i nepristrasni arbitražni tribunal- CAS

Član 64.

Nadležnost

Član 65.

XVIII –ZAVRŠNE ODREDBE

Važeći zakoni i teritorijalna nadležnost

Član 66.

Materija koja nije obuhvaćena Statutom

Član 67.

Raspuštanje Saveza

Član 68.

Primjena

Član 69.

Član 70.

Obaveza prilagođavanja sadašnjih statuta

Član 71.

Broj: 66/12

Travnik, 25.01.2012.god.

Na osnovu Zakona o udruženjima/udrugama i fondacijama Federacije BiH (Službene novine Federacije Bosne i Hercegovine broj 45/02), člana 72. Statuta Nogometnog saveza Federacije Bosne i Hercegovine, Skupština Nogometnog saveza Srednjobosanskog kantona/Kantona Središnja Bosna sjednici održanoj dana 25.01.2012. godine u Travniku usvojila je

S T A T U T

NOGOMETNOG SAVEZA

SREDNJOBOSANSKOG KANTONA/KANTONA SREDIŠNJA BOSNA

I DEFINICIJA TERMINA

FIFA:	Federation Internationale de Football Association (Međunarodna nogometna organizacija)
UEFA:	Unison udes Associatons Europeennes de football (Evropska nogometna unija)
IFAB:	International Footbal Association Board (Međunarodni nogometni odbor koji donosi Pravila igre)
NS/FS BiH:	Nogometni/Fudbalski savez Bosne i Hercegovine
NS F BiH:	Nogometni savez Federacije Bosne i Hercegovine koji se sastoji od deset kantonalnih/županijskih nogometnih saveza
NS SBK/KSB	Nogometni savez Srednjobosanskog kantona/Kantona Središnja Bosna, sastoji se od nogometnih/fudbalskih klubova i udruženja ako su primljena u skladu sa odredbama ovog Statuta u članstvo Saveza.
DUŽNOSNIK:	Svaki član komiteta ili komisije i pojedinci kao što su sudije, pomoćne sudije, treneri i drugi pojedinci odgovorni za tehnička, administrativna i medicinska pitanja u NSSBK/KSB, ligama ili klubovima
IGRAČ:	Svaki nogometaš registrovan u skladu sa važećim FIFA-inim odredbama

ORGANIZIRANI NOGOMET:

Nogomet koji je pod kontrolom FIFA-e i koji se organizira u skladu sa Pravilima igre

SKUPŠTINA: Najviše zakonodavno tijelo NS SBK/KSB

IZVRŠNI ODBOR: Izvršni organ NS SBK/KSB

ČLAN: Pravno ili fizičko lice koje je Skupština primila u članstvo NS SBK/KSB

REDOVNI SUDOVI: Redovni sudovi u SBK/KSB koji rješavaju sporove u skladu sa nadležnošću propisanom Ustavom FBiH i drugim zakonima FBiH

ARBITRAŽNI TRIBUNAL:

Nezavisni i nepristrasni arbitražni tribunal koji su osnovala pravna ili fizička lica i koji djeluje umjesto redovnog suda u okviru djelokruga rada i nadležnosti, osnovano u skladu sa državnim zakonima Bosne i Hercegovine.

CAS: Sud za arbitražu u sportu, u Lozani (Švicarska)

Napomena: Termini koji se odnose na fizička lica važe za oba gramatička roda/pola, a svaki termin u jednini važi za množinu i obratno

II OPĆE ODREDBE

Pravni status

Član 1.

Nogometni savez Srednjobosanskog kantona/Kantona Središnja Bosna (u daljem tekstu Savez) je sportsko udruženje/udruga od javnog interesa u obliku dobrovoljnog udruživanja fizičkih ili pravnih lica/osoba na području Srednjobosanskog kantona/Kantona Središnja Bosna radi unaprjeđenja i ostvarivanja zajedničkog ili općeg interesa ili cilja u oblasti nogometnog sporta u koje su ravnopravno udruženi nogometni klubovi i udruženja (u daljem tekstu: članovi Saveza) u skladu sa Ustavom i Zakonom, a čija osnovna svrha nije sticanje dobiti.

Savez je nevladino, nepolitičko i nestranačko nezavisno sportsko udruženje/udruga od javnog interesa na nivou Srednjobosanskog kantona/Kantona Središnja Bosna u cilju unaprjeđenja i razvoja nogometa u Srednjobosanskom kantonu/Kantonu Središnja Bosna.

Savez je po svom karakteru, organizaciji i ciljevima samostalna nogometna asocijacija na nivou Srednjobosanskog kantona/Kantona Središnja Bosna sa zadatkom da organizira i unaprjeđuje nogometni sport u Nogometnom savezu Srednjobosanskog kantona/Kantona Središnja Bosna, a u skladu sa ovim Statutom, odlukama Skupštine i Izvršnog odbora Saveza, kao i Statutima Nogometnog saveza F BiH, Nogometnog/Fudbalskog saveza Bosne i Hercegovine, UEFA-e i FIFA-e.

Član 2.

Ovim Statutom, a u skladu sa Zakonom, uređuju se sljedeće oblasti i odredbe o: nazivu, sjedištu i obilježjima Saveza, skraćenom nazivu, adresi, ciljevima udruženja/udruge i pravima i obavezama članova Saveza, organima udruženja/udruge, ovlašćenjima/ovlastima, pravilima glasanja, korištenju i raspolaganju sredstava, javnosti rada, zastupanju, rješavanju sporova, prestanku rada i raspolaganju imovinom, izvorima finansiranja Saveza, izmjenama i dopunama Statuta, stupanju na snagu Statuta i drugim pitanjima.

III NAZIV, SJEDIŠTE I OBILJEŽJA

Član 3.

- 1 Naziv sportskog udruženja/udruge je: Nogometni savez Srednjobosanskog kantona/Kantona Središnja Bosna – skraćeno: NS SBK/KSB.
- 2 Sjedište saveza je u Travniku, Ulica Hadži Ali-Bega Hasanpašića bb - Travnik.
- 3 Savez ima znak, zastavu, pečat i štambilj.
- 4 Oblik i sadržaj znaka, zastave, teksta pečata i štambilja utvrđuje Izvršni odbor Saveza posebnom odlukom i mora se jasno razlikovati od drugih naziva i znaka drugih udruženja/udruga.

Pravni subjektivitet, jezici i obaveze

Član 4.

- 1 Savez ima svojstvo pravne osobe koje je stekao upisom u registar udruženja/udruga dana 12.11.2009.godine kod Kantonalnog ministarstva pravde u koju su dobrovoljno udruženi Nogometni savez Srednjobosanskog kantona i Nogometni savez Središnja Bosna (u daljem tekstu: dijela SBK i dijela KSB) .

- 2 Savez se upisuje u registar udruženja/udruga kod Kantonalnog ministarstva pravde u skladu sa Pravilnikom o registraciji udruženja/udruga građana i fondacija Bosne i Hercegovine.
- 3 Savez za preuzete obaveze odgovara sopstvenom imovinom (potpuna odgovornost).
- 4 Savez ima svoj žiro-račun.
- 5 Službeni jezici Saveza su jezici utvrđeni Ustavom Federacije Bosne i Hercegovine uz upotrebu latiničnog i ćirilicnog pisma.
- 6 Savez je udružen u Nogometni savez F BiH.
- 7 Savez ima sljedeće dužnosti:
- a) da u potpunosti poštuje Statut, propise, direktive i odluke tijela NS F BiH , NS/FS BiH, kao i odluke CAS-a donesene po žalbi na osnovu Statuta NS SBK/KSB.
 - b) da učestvuje u takmičenjima koja organizira NS F BiH (ako je to primjenjivo),
 - c) da plaća članarinu i druge naknade kako to definiira NS F BiH.
 - d) Savez, članovi, pridruženi članovi, klubovi, igrači, treneri, službena lica i dr.-putem svojih statuta, licenci, registracija ili nekog drugog pisanog dokumenta obavezuju se:
 - I pridržavati se Statuta, propisa, direktiva FIFA-e, UEFA-e, NS/FS BiH , NS FBiH i NS SBK/KSB, kao i odluka drugih tijela,
 - II poštovati principe lojalnosti, integriteta, sportskog duha i fer pleja,
 - III poštivati Pravila nogometne igre koja je izdao IFAB ili Pravila igre za mali nogomet koja je izdao Izvršni komitet FIFA-e,
 - IV priznavati CAS kao nezavisni i nepristrasni arbitražni tribunal za državna i međunarodna pitanja, kako je to definirano Statutom NS F BiH, NS/FS BiH, kao i statutima FIFA-e i UEFA-e, te prihvatiti svaku odluku CAS-a,
 - V izbjegavati bilo kakav oblik diskriminacije, kako je to definisano članom 5. Statuta NS F BiH .
 - VI da izvršno tijelo bude slobodno izabrano, te da druga statutarna tijela budu birana ili imenovana na potpuno nezavisan način, bez uticaja trećih lica,
 - VII da izabrani delegati ili zamjenski delegati za Skupštinu NS F BiH i Generalnu Skupštinu NS/FS BiH imaju dužnost da prisustvuju redovnoj ili vanrednoj Skupštini NS F BiH i Generalnoj ili vanrednoj Skupštini NS/FS BiH,
 - VIII osigurati da imenovani ili izabrani članovi ili zamjenski članovi nekog statutarnog tijela NS F BiH i NS/FS BiH imaju dužnost da prisustvuju sastancima na koje su pozvani,
 - IX da klubovi mogu sve svoje odluke donositi nezavisno od trećih lica i bez obzira na korporativnu strukturu koju je klub izabrao, te uzimajući u obzir propise o zaštiti integriteta takmičenja,
 - e) da svoje poslove vode nezavisno i da osiguraju da njihovi poslovi nisu pod uticajem trećih lica,
 - f) da održi izbornu Skupštinu u istoj godini kad i NS F BiH, a između 30 i 90 dana prije datuma izborne Skupštine NS F BiH,
 - g) da osigura da je mandat predsjednika maksimalno četiri godine,
 - h) da poštuje i unaprjeđuje jedinstvo NS F BiH,
 - i) da ne održava bilo kakve kontakte sa savezima članovima FIFA-e i UEFA-e bez prethodnog odobrenja NS F BiH; isto važi za bilo koji savez koji je suspendiran ili isključen iz FIFA-e, uključujući pridružene članove,
 - j) da se u potpunosti pridržava svih drugih dužnosti koje proizilaze iz Statuta NS F BiH i drugih propisa.
- 8 NS SBK/KSB se obavezuje da će usko sarađivati sa NS F BiH u cilju razvoja i unaprjeđenja nogometa na svim nivoima, kao i na organizaciji takmičenja na nivou F BiH.
- 9 NS F BiH organizuje završna takmičenja šampionata za seniorski i juniorski nogomet, kao i kup takmičenja i finalna takmičenja u različitim kategorijama omladinskog, ženskog i malog nogometa, te kup regija.

Sva preostala takmičenja u Srednjobosanskom kantonu/Kantonu Središnja Bosna u nadležnosti su NS SBK/KSB.

10 Savez ima prava i obaveze koje proizilaze iz takmičenja koja su u njegovoj nadležnosti. U skladu sa propisima NS F BiH, ima i obavezu da:

- a) registrira klubove i pojedince (igrače, trenere, sudije i zvaničnike) i vodi evidenciju o njima,
- b) odobrava stadione i druge nogometne objekte, koji su smješteni na teritoriji SBK/KSB.
- c) NS F BiH pruža sve potrebne informacije na njegov zahtjev.

Neutralnost i nediskriminacija

Član 5.

1 NS SBK/KSB je neutralan u političkim i vjerskim pitanjima.

2 Diskriminacija bilo koje vrste, protiv neke zemlje, privatnog lica ili grupe ljudi, na osnovu etničkog porijekla, spola, jezika, politike ili bilo kog drugog razloga, strogo je zabranjena i može se sankcionisati suspenzijom, isključenjem ili drugim disciplinskim mjerama.

Pravila igre

Član 6.

1 NS SBK/KSB i svaki njegov član igraju organizovani nogomet u skladu sa Pravilima igre koje je izdao IFAB, ili sa Pravilima igre za mali nogomet, koje je izdao Izvršni komitet FIFA-e.

2 Samo IFAB ili Izvršni komitet FIFA-e mogu propisati ili izmijeniti odgovarajuća Pravila igre.

Ciljevi izadaci

Član 7.

1 Ciljevi Saveza su sljedeći:

- a) da se bavi svim pitanjima koja se odnose na nogomet na području Srednjobosanskog kantona/Kantona Središnja Bosna .
- b) da rukovodi svim tipovima nogometa, razvija ih i unaprjeđuje na svim nivoima na cijelom teritoriju Srednjobosanskog kantona/Kantona Središnja Bosna u skladu sa ovim Statutom,
- c) da rukovodi takmičenjima koja su u njegovoj nadležnosti, razvija ih i unaprjeđuje na svim nivoima na cijelom teritoriju Srednjobosanskog kantona/Kantona Središnja Bosna,
- d) da održava kontakte i surađuje sa NS F BiH i sa nogometnim savezima koji su njegovi članovi (kantonalni/županijski savezi),
- e) da štiti i poštuje prava i interese svojih članova i da rješava sporove među njima,
- f) da unaprjeđuje nogomet u duhu mira i fair playa, bez diskriminacije po političkom, spolnom, vjerskom i rasnom osnovu,
- g) da poštuje principe lojalnosti, integriteta i sportskog duha u skladu sa principima fer pleja.

- 2 Kao dio gore definiranih ciljeva, Savez je odgovoran za sljedeće:
- a) da rukovodi svim takmičenjima na nivou Srednjobosanskog kantona/Kantona Središnja Bosna koja su mu data u nadležnost odlukom Skupštine NS F BiH i da definira uvjete njihove organizacije,
 - b) da definira opće organizacione i administrativne principe za nogomet u Srednjobosanskom kantonu/Kantonu Središnja Bosna,
 - c) da donosi programe i pravilnike školovanja i stručnog usavršavanja kadrova za rad u nogometu u Srednjobosanskom kantonu/Kantonu Središnja Bosna,
 - d) da definira ovlaštenja koja se dodjeljuju klubovima ili bilo kojem udruženju na nivou Saveza, kao i njihova prava i obaveze. Statuti i Pravilnici svakog takvog udruženja podliježu odobrenju od strane Saveza.
 - e) da osigurava izvore novčanih sredstava za financiranje nogometnog sporta a Savez svoju djelatnost ne smije obavljati radi sticanja dobiti. Ako u obavljanju svoje djelatnosti NS SBK/KSB ostvari dobit, ona se mora koristiti isključivo za obavljanje i unaprjeđenje djelatnosti Saveza, kojima se ostvaruju ciljevi Saveza.
 - f) obavlja i druge poslove i djelatnosti određene zakonom, Statutom i pravilnicima Saveza.

IV ČLANSTVO

Članovi Saveza

Član 8.

- 1 Članovi Saveza su klubovi muškog i ženskog, velikog i malog nogometa, kao i asocijacije pojedinaca (treneri, sudije i dr.) koje je Skupština primila u članstvo.
- 2 Teritorijalna baza tih klubova i udruženja odgovara onako kako su definisani Dejtonskim sporazumom, Ustavom BiH i Federacije BiH.
- 3 Članovi Saveza mogu biti asocijacije pojedinaca (treneri, sudije i dr.), ukoliko ispunjavaju uslove iz ovog Statuta.

Prijem u članstvo

Član 9.

- 1 Skupština Saveza, na osnovu preporuke Izvršnog odbora NS SBK/KSB prima u članstvo i vrši suspenziju ili isključuje iz članstva bilo kojeg člana NS SBK/KSB.
- 2 Svako pravno lice koje želi posati član NS SBK/KSB mora se pismeno prijaviti Sekretarijatu, koji podnosi pismeni izvještaj Izvršnom odboru.
- 3 Zahtjev sadrži:
 - a) primjerak zakonski važećeg Statuta i propisa, osnivački dokument i dokaz o registraciji kod nadležnog državnog organa,
 - b) izjavu da će sve domaće utakmice igrati na teritoriji SBK/KSB,
 - c) izjavu da se podnosilac prijave obavezuje da će uvijek poštivati Statut, propise, direktive i odluke NS SBK/KSB ,NS FBiH, NS/FS BiH, FIFA-e i UEFA-e, te osigurati da ih poštuju i svi njegovi članovi, klubovi, službena lica, igrači i treneri,
 - d) izjavu da je podnosilac prijave saglasan da se pridržava važećih Pravila nogometne igre koja je objavio IFAB, kao i Pravila igre za mali nogomet , koja je objavio Izvršni odbor FIFA-e,
 - e) izjavu da priznaju nadležnost Arbitražnog suda (CAS) u Lozani (Švicarska), kako je navedeno u relevantnim odredbama Statuta FIFA-e i Statuta UEFA-e,

- f) izjavu da je saglasan da će u posljednjoj instanci svi sporovi domaćeg karaktera, koji proizilaze ili su vezani za primjenu Statuta NS SBK/KSB, propisa, direktiva ili odluka donesenih na osnovu tog Statuta, ili vezanih za bilo kakav ugovor, prosljeđivati na isključivu nadležnost nezavisnog i nepristrasnog arbitražnog tribunala, konkretno CAS-a u Lozani, kako je to navedeno u relevantnim odredbama Statuta FIFA-e, UEFA-e, NS/FS BiH, NS FBiH i NS SBK/KSB, dok se zakonodavstvom BiH ne uspostavi odgovarajući arbitražni tribunal, koji zadovoljava minimalne zahtjeve FIFA-e i UEFA-e. CAS će donositi konačna rješenja sporova bez redovnih sudova, osim ako to nije eksplicitno zabranjeno važećim zakonodavstvom Bosne i Hercegovine.
 - g) izjavu kojom pokazuje da zakonski sastav podnosioca zahtjeva za članstvo u NS SBK/KSB, bez obzira na svoju pravnu strukturu, garantuje da je u stanju sve svoje odluke donositi nezavisno od bilo kojeg vanjskog tijela.
 - h) dosje koji sadrži detalje o organizacionoj strukturi podnosioca zahtjeva (npr. broj igrača, službenih lica, trenera, imovine i tijela, itd.),
 - i) listu svojih službenika, navodeći one koji su ovlašteni potpisnici sa pravom izvršenja pravno obavezujućih sporazuma sa trećim stranama,
 - j) izjavu da se podnosilac zahtjeva slaže da će organizirati i učestvovati u prijateljskim utakmicama samo uz prethodnu saglasnost NS SBK/KSB,
 - k) primjerak zapisnika sa zadnje sjednice Skupštine podnosioca zahtjeva ili sa njegovog osnivačkog sastanka,
 - l) izjavu da će podnosilac zahtjeva osigurati da se njegovi članovi, dužnosnici, igrači, treneri medicinsko osoblje i dr. pridržavaju zahtjeva navedenih pod gornjim tačkama b) do g) putem statuta, registracije, licence ili nekog drugog pisanog i potpisanog dokumenta.
- 4 Asocijacije pojedinaca moraju svoje aktivnosti organizirati na cijeloj teritoriji SBK/KSB i to navesti u svojoj prijavi.
- 5 Asocijacije ili grupe nadalje moraju dati izjavu da niti jedno pravno ili fizičko lice (uključujući holding kompanije i podružnice) nema kontrolu nad više od jednog kluba ili grupe, kad god bi integritet bilo koje utakmice ili takmičenja mogao biti ugrožen.

Zahtjev i procedura za prijem u članstvo

Član 10.

- 1 Skupština usvaja posebne propise koji regulišu proceduru prijema.
- 2 Izvršni odbor Skupštini preporučuje da li da primi ili ne primi nekog podnosioca zahtjeva u članstvo.
- 3 Podnosilac zahtjeva može iznijeti Skupštini razloge za svoju prijavu u članstvo.
- 4 Skupština na osnovu svog punog diskrecionog prava donosi konačnu odluku o prijavi nekog kandidata za članstvo u NS SBK/KSB. Delegati imaju pravo da glasaju, a rezultati tog glasanja na snagu stupaju odmah.

Prava članova

Član 11.

- 1 Članovi imaju sljedeća prava:
 - a) da učestvuju u Skupštini NS SBK/KSB, da unaprijed dobiju njen dnevni red, da budu pozvani na Skupštinu u propisanom vremenu, te da ostvaruju svoje pravo glasa,
 - b) da daju prijedloge za uključenje u dnevni red Skupštine,
 - c) da nominuju kandidate za izbor u sva tijela NS SBK/KSB, u skladu sa odredbama ovog Statuta,
 - d) da podnose zahtjev za sazivanje vanredne Skupštine,
 - e) da budu obaviješteni o poslovima NS SBK/KSB, kroz njena zvanična tijela,

- f) da učestvuju u takmičenjima (ako je to primjenjivo) i/ili drugim sportskim aktivnostima koje organizira NS SBK/KSB,
 - g) da ostvaruje sva druga prava koja proizilaze iz Statuta i propisa NS SBK/KSB.
- 2 Ostvarivanje ovih prava podliježe drugim odredbama Statuta i važećih propisa.

Obaveze članova

Član 12.

1 Članovi imaju sljedeće dužnosti:

- a) da u potpunosti i uvijek poštuju Statut, propise, direktive i odluke tijela NS SBK/KSB, NS FBiH i NS/FS BiH, kao i odluke CAS-a donesene po žalbi na osnovu ovog Statuta,
- b) da učestvuju u takmičenjima koja organizira NS SBK/KSB ili NS F BiH (ako je to primjenjivo),
- c) da plaćaju članarinu i druge naknade, kako to definira NS SBK/KSB, NS FBiH i NS/FS BiH.

2 klubovi, igrači, treneri, službena lica i dr. moraju:

- I da se pridržavaju principa lojalnosti, integriteta, sportskog duha u skladu sa duhom fer-pleja,
 - II da poštuju principe neutralnosti i nediskriminacije u političkim i vjerskim pitanjima, u skladu sa članom 5. Statuta NS F BiH.
 - III da se pridržavaju važećih Pravila igre, kako ih je objavio IFAB kao i Pravila igre za mali nogomet, koje je objavio izvršni odbor FIFA-e,
 - IV da se obavežu Statutom, da će se pridržavati propisa i direktiva NS SBK/KSB, NS FBiH, NS/FS BiH, FIFA-e i UEFA-e, kao i odluka donesenim u skladu sa njima,
 - V da priznaje nadležnost CAS-a, kako je navedeno u relevantnim odredbama Statuta FIFA-e i Statuta UEFA-e,
 - VI sve sporove koji su rezultat ili proizilaze iz primjene Statuta NS SBK/KSB, NS FBiH i Statuta NS/FS BiH, propisa, direktiva ili odluka donesenih na osnovu Statuta ili u vezi sa bilo kakvim ugovorom, u posljednjoj instanci iznose pred isključivu nadležnost nezavisnog i nepristrasnog arbitražnog tribunala, konkretno CAS-a u Lozani (Švicarska), kako je to navedeno u relevantnim odredbama FIFA-inog i UEFA-inog statuta, dok propisima Bosne i Hercegovine ne bude ustanovljen odgovarajući arbitražni tribunal na teritoriji Bosne i Hercegovine, koji ispunjava minimalne zahtjeve FIFA-e i UEFA-e. CAS će davati konačna rješenja takvih sporova bez učešća redovnog suda, osim ako to nije eksplicitno zabranjeno važećim zakonodavstvom u Bosni i Hercegovini.
- 3 Članovi se obavezuju da će usko sarađivati sa Savezom u cilju razvoja i unaprjeđenja nogometa na svim nivoima, kao i na organizaciji takmičenja na nivou SBK/KSB. Savez organizira najmanje jedno prvenstvo i jedan kup na nivou SBK/KSB i podstiče druga takmičenja.
- 4 Članice imaju prava i obaveze da registriju igrače, stručne kadrove, nogometnih klubova, objekata i terena na području SBK/KSB u skladu sa propisima i pravilima NS FBiH, odnosno NS/FS BiH.
- 5 Članovi se obavezuju da će izbjeći formiranje raznih interesnih grupa, koje prejudiciraju ili bi mogle prejudicirati jedinstvo nogometa u SBK/KSB.
- 6 Članovi se obavezuju da će poštovati i unaprjeđivati interes i cjelovitost Saveza.
- 7 da održavaju izbornu Skupštinu u istoj godini kad i NS SBK/KSB, a između 30 i 90 dana prije datuma izborne Skupštine NS SBK/KSB.
- 8 Članovi moraju osigurati da se izvršno tijelo njihove asocijacije bira putem slobodnih izbora i da tu odredbu uključe u njihove Statute, u protivnom, Savez će odbiti da prizna takvo tijelo.

- 9 Odredbama Statuta članova je propisano da je svaki klub u poziciji da donosi vlastite odluke po svim pitanjima vezanim za svoje članstvo i to neovisno od bilo kojeg vanjskog dijela. Posebno, svaki klub mora uputiti svoje članove da se pridržavaju te obaveze, neovisno o korporativnoj strukturi koju klub izabere.
- 10 da će blisko saradivati sa NS SBK/KSB u cilju razvoja i unaprjeđenja nogometa na svim nivoima, kao i na organizaciji takmičenja na nivou SBK/KSB.
- 11 nije dopušteno da članovi održavaju kontakte sa nogometnim savezima učlanjenim u FIFA-u, UEFA-u, bez odobrenja od strane NS SBK/KSB i NS F BiH.
- 12 da se u potpunosti pridržavaju svih drugih dužnosti koje proizilaze iz ovog Statuta i drugih propisa.
- 13 Ako bilo koji član prekrši gore navedene dužnosti, to može dovesti do sankcija predviđenih ovim Statutom. Nadležna pravna tijela NS SBK/KSB mogu izreći daljnje sankcije.

Istupanje i prestanak članstva, raspuštanje asocijacije članova i gubitak članskog statusa

Član 13.

- 1 Član Saveza može istupiti iz članstva Saveza na kraju fiskalne godine, pod uslovom da o tome obavijesti Skupštinu putem Sekretarijata Saveza šest mjeseci unaprijed.
- 2 Istupanjem iz članstva Saveza gubi status koji je ostvario putem Saveza, a njegov članski status i prava istovremeno prestaju.
- 3 Član može biti isključen iz Saveza u slučaju da:
- a) ne ispuni svoje finansijske obaveze prema Savezu,
 - b) teško i ponovljeno krši Statut, pravilnike i odluke Saveza,
 - c) ugrožava interese i jedinstvo Saveza,
 - d) izgubi svojstva na bazi kojih je dobio članski status.
- 4 Odluku o prestanku članstva donosi Skupština u skladu sa odredbama ovog Statuta.
- 5 Član mora ispuniti sve svoje finansijske obaveze prema Savezu prije nego što izgubi članski status.
- 6 Istupanjem iz članstva jednog od članova Saveza prestaju važiti odredbe ovog Statuta za člana Saveza koji istupi iz članstva.

V POČASNI PREDsjedNIK I POČASNI ČLAN

Član 14.

Na prijedlog Izvršnog odbora, Skupština može dodijeliti status počasnog predsjednika ili počasnog člana. Taj status dodjeljuje se za posebne zasluge u nogometu. Počasni predsjednici i počasni članovi mogu prisustvovati Skupštini u savjetodavnom svojstvu ali nemaju pravo glasa.

VI ORGANIZACIJA

Organi, tijela i nezavisnost

Član 15.

- 1 NS SBK/KSB ima sljedeća tijela koja donose odluke:
- a) Skupština (zakonodavno tijelo)

- b) Izvršni odbor (izvršno tijelo)
 - c) Predsjednik (osoba ovlaštena za predstavljanje i zastupanje)
 - d) Pravna tijela
 - e) Generalni sekretar (administrativno tijelo)
- 2 NS SBK/KSB ima sljedeća konsultativna tijela:
- a) Stalne komisije
 - b) Ad-hok komisije
 - c) Nezavisni revizor
 - d) Sekretarijat
- 3 Izvršni odbor NS SBK/KSB može stalnim komisijama prenijeti ovlaštenje za odlučivanje, kako je definisano u njihovom opisu poslova i zadataka.
- 4 Svi članovi tih organa i tijela NS SBK/KSB dužni su pridržavati se FIFA-inog Etičkog kodeksa prilikom vršenja svojih funkcija, kako je definisano ovim Statutom i relevantnim propisima.
- 5 Član Izvršnog odbora (uključujući predsjednika i dopredsjednika) ne može istovremeno biti i član pravnog tijela, delegat Skupštine ili generalni sekretar i obratno.
- 6 Član nekog statutarog tijela/organa NS SBK/KSB ne smije učestvovati u donošenju odluka po bilo kojem pitanju u kojem postoji ili može nastati sukob interesa.
- 7 Svaki član statutarog organa ili tijela NS SBK/KSB dužan je prisustvovati pravovaljano sazvanim sastancima. Odsustva bez opravdanih razloga mogu dovesti do sankcija u skladu sa Statutom i Disciplinskim pravilnikom NS/FS BiH i dodatno dovesti do zamjene takvog člana u skladu s ovim Statutom.
- 8 Glasanje putem opunomoćenika u nekom statutarom organu ili tijelu nije dozvoljeno. Svaki član nekog organa ili tijela NS SBK/KSB ima jedan glas.

Uslovi za status člana organa ili tijela NS SBK/KSB

Član 16.

- 1 Da bi postao kandidat za neki statutarni organ ili tijelo u NS SBK/KSB, ta osoba mora ispunjavati sljedeće kumulativne uvjete:
- a) biti udružen u NS SBK/KSB ili u neki od njegovih statutarinih članova,
 - b) biti izabrani ili imenovani član udružen u NS SBK/KSB ili u neki od njegovih statutarinih članova,
 - c) biti aktivan u nogometu,
 - d) mora biti državljanin Bosne i Hercegovine i priložiti biografiju (CV) koja sadrži informacije o obrazovanju i profesionalnim iskustvima,
 - e) mora biti stalno nastanjen u Bosni i Hercegovini,
 - f) ne smije biti suspendiran ili isključen u okviru NS SBK/KSB, NS FBiH, NS/FS BiH ili nekog svog statutarog člana,
 - g) mora podnijeti dokaz da protiv njega ne postoji krivična istraga niti da je osuđivan za krivično djelo na безусловnu kaznu dužu od tri mjeseca zatvora.
- 2 Zahtjevi stavova 1e) i 1g) ovog člana primjenjuju se i na generalnog sekretara i druge uposlenike Sekretarijata. Međutim, izvršni odbor može kroz organizacione propise za njih postaviti daljne zahtjeve.
- 3 Ako osoba tokom svog mandata u NS SBK/KSB prestane ispunjavati jedan od gore navedenih uvjeta, on odmah gubi status člana organa ili tijela NS SBK/KSB.

VII SKUPŠTINA

Član 17.

- 1 Skupština je najviši organ upravljanja i odlučivanja u Savezu.

- 2 Skupština može zasjedati kao redovna i vanredna.
- 3 Redovna Skupština zasjeda jednom godišnje, a najkasnije u roku od tri mjeseca po isteku fiskalne godine.
- 4 Redovna izborna Skupština zasjeda svake četiri godine

Članovi Skupštine

Član 18.

- 1 Skupština se sastoji od 35 delegata pravovaljano izabranih na Skupštinama aktivnih klubova učesnika u takmičenju, u takmičarskoj sezoni u kojoj zasjeda Skupština, te ostali članovi Saveza ako su primljeni u skladu sa odredbama ovog Statuta.
 - a) u slučaju prijema u članstvo novih članica broj delegata Skupštine može se povećati ili smanjiti ukoliko članica Saveza izgubi status člana.
 - b) tačan broj klubova koji se aktivno takmiče utvrđuje Izvršni odbor Saveza jedan mjesec prije održavanja svake Skupštine i taj dan zaključuje listu delegata Skupštine.
 - c) Izvršni odbor utvrđuje da li se klub takmiči u tekućoj takmičarskoj sezoni ali i na dan zasjedanja Izvršnog odbora – jedan mjesec prije održavanja Skupštine.
- 2 Sljedeće osobe se pozivaju da prisustvuju Skupštini:
 - a) delegati članova NS SBK/KSB,
 - b) članovi Izvršnog odbora Saveza,
 - c) počasni predsjednici i počasni članovi,
 - d) predsjednik i generalni sekretar NS Federacije BiH,
 - e) drugi gosti koje pozove Izvršni odbor NS SBK/KSB.
- 3 Pravo glasa na Skupštini NS SBK/KSB imaju izabrani delegati članica Saveza sukladno članu 8 ovog Statuta.

Član 19.

- Raspodjela glasova je sljedeća:
- 1 Delegati Skupštine Saveza imaju svaki po jedan glas i svaka članica ima jednog delegata i jednog zamjenskog delegata, u skladu sa članom 18 tačka 1.
 - 2 Način i postupak aktiviranja zamjenskog delegata propisan je članom 20. tačka 4. ovog Statuta.

Delegati na Skupštini

Član 20.

- 1 Članovi NS SBK/KSB dostavljaju Sekretarijatu listu svojih delegata koji su pravovaljano i slobodno izabrani na njihovoj Skupštini. Delegati se biraju najkasnije jedan mjesec prije sjednice Skupštine Saveza.
- 2 Svaki klub bira 1 delegata i 1 zamjenska delegata Skupštine NS SBK/KSB za mandat od četiri godine.
- 3 Mandat delegata u Skupštini traje 4 (četiri) godine i počinje da teče od dana verifikacije njegovog mandata u Skupštini, a ističe danom verifikacije mandata članova Skupštine novog-sljedećeg saziva Skupštine.
- 4 Delegat koji nije u mogućnosti da prisustvuje Skupštini iz bilo kog razloga, mora se odmah javiti generalnom sekretaru NS SBK/KSB, da bi aktivirao zamjenskog delegata iz iste članice . Ažurirani zamjenski delegat prisustvuje Skupštini NS SBK/KSB umjesto onog delegata koji to nije u mogućnosti.

- 5 Delegati se biraju najkasnije jedan mjesec prije sjednice Skupštine Saveza, član koji ne dostavi u roku od najkasnije mjesec dana prije održavanja Skupštine NS SBK/KSB listu pravovaljano izabranih delegata na sjednici Skupštine neće imati delegata sa pravom glasa.
- 6 Na osnovu predložene liste svojih delegata koji su pravovaljano i slobodno izabrani na skupštinama klubova, Skupština NS SBK/KSB bira četiri 4 delegata i dva (2) zamjenska delegata Skupštine NS F BiH od po dva stalna delegata i po jedan zamjenski delegata iz dijela SBK i dijela KSB i četiri 4 delegata i dva (2) zamjenska delegata Skupštine NS/FS BiH od po dva stalna delegata i po jedan zamjenski delegata iz dijela SBK i dijela KSB, za mandat od četiri (4) godine, u skladu sa Pravilnikom o radu Skupštine NS F BiH i NS/FS BiH.
- 7 Izvršni odbor mjesec dana prije održavanja Skupštine utvrđuje termin i dnevni red Skupštine Saveza.. Istovremeno (mjesec prije Skupštine) utvrđuje i broj članova Saveza sa pravom glasa, broj delegata u Skupštini i tačnu listu delegata Skupštine Saveza.

Kvorum prisustva Skupštini

Član 21.

- 1 Skupština (redovna ili vanredna) zasjeda pravovaljano i ima kvorum ako je prisutno $\frac{3}{4}$ od ukupno 35 delegata i odlučuje $\frac{3}{4}$ većinom od ukupnog broja delegata.
- 2 U slučaju da nije postignut kvorum, Skupština zasjeda po istom dnevnom redu narednog dana na istom mjestu i u isto vrijeme. Ovom drugom zasjedanju mora prisustvovati natpolovična većina (50%+1) od ukupnog broja delegata da bi se donosile pravovaljane odluke.
- 3 Ako se ponovo ne postigne taj kvorum, Izvršni odbor NS SBK/KSB saziva novu Skupštinu po istom dnevnom redu u roku od 15 dana. Generalni sekretar NS SBK/KSB šalje pozive članovima i delegatima. Toj sjednici nije neophodan kvorum većina.

Nadležnost Skupštine

Član 22.

- 1 Skupština ima sljedeće nadležnosti:
- a) usvaja, mijenja i dopunjava dnevni red, osim u slučajevima iz člana 21. stav 2. i 3.
 - b) bira dva delegata kao ovjerivače zapisnika,
 - c) usvaja Statut Saveza, kao i njegove izmjene i dopune,
 - d) usvaja Poslovnik o radu Skupštine, kao i izmjene i dopune Poslovnika,
 - e) usvaja opis poslova i zadataka pravnih tijela,
 - f) bira i razrješava predsjednika i dopredsjednika Saveza,
 - g) bira i razrješava članove IO NS SBK/KSB (uključujući i zamjenske članove) na osnovu liste kandidata članova Saveza,
 - h) bira nezavisno revizorsko tijelo za reviziju obračuna,
 - i) verificira delegate Skupštine,
 - j) usvaja plan prihoda i rashoda Saveza za tekuću godinu,
 - k) razmatra i usvaja izvješće o finansijskom poslovanju Saveza,
 - l) razmatra i usvaja izvještaj o radu Izvršnog odbora,
 - m) usvaja strukturu takmičenja na teritoriji SBK/KSB,
 - n) usvaja nova i ukida takmičenja na teritoriji SBK/KSB,
 - o) usvaja i razmatra programe i planove za sve vrste takmičenja na nivou Saveza, a sve na prijedlog Izvršnog odbora Saveza,
 - p) bira po potrebi radna tijela Skupštine (odbor za glasanje, komisija za verifikaciju),
 - r) dodjeljuje počasno članstvo,

- s) razmatra i donosi odluke po drugim pitanjima koja ovim Statutom nisu dana drugom organu, a spadaju u djelokrug Saveza i to na prijedlog Radnog predsjedništva Skupštine ili Izvršnog odbora Saveza,
 - t) bira i razrješava pravna tijela Saveza (predsjednika, dopredsjednika, članove i zamjenske članove Disciplinske i Apelacione komisije) NS SBK/KSB,
 - u) bira po 4 delegata i po 2 zamjenskih delegata Skupštine NS F BiH NS/FS BiH za mandat od četiri godine, a svaki klub predlaže listu delegata i zamjenskog delegata koji su pravovaljano izabrani na skupštini kluba,
 - v) utvrđuje listu kandidata (uključujući i zamjenske članove) za Izvršni odbor NS F BiH i NS/FS BiH koji predstavljaju NS SBK/KSB sa po dva kandidata, odnosno tri kandidata od 2019.godine, što se odnosi na NS/FS BiH;
 - z) suspendira-isključuje članove ili službena lica Saveza,
 - x) vrši prijem članova u Savez i vodi evidenciju o istupanju članova iz Saveza.
- 2 Sve potrebne materijale, po pitanjima koja su u nadležnosti Skupštine Saveza, priprema Izvršni odbor Saveza, uz podršku nadležnih tijela i Sekretarijata.

Sazivanje, predlaganje članova, kandidature

Član 23.

- 1 Odluku o sazivanju redovne sjednice Skupštine donosi Izvršni odbor Saveza na svoju inicijativu, ili na inicijativu 2/3 članica Saveza. Izvršni odbor utvrđuju dnevni red sjednice.
- 2 Poziv za održavanje Skupštine sa prijedlogom dnevnog reda, vremenom i mjestom održavanja generalni sekretar upućuje delegatima Skupštine, članicama Saveza i članovima Izvršnog odbora najkasnije u roku od 30 dana prije održavanja Skupštine.
- 3 Delegati Skupštine, odnosno članice saveza mogu dostaviti prijedlog za izmjenu i dopunu dnevnog reda sa obrazloženjem i eventualnim pisanim materijalima generalnom sekretaru Saveza, koji je dužan sa istim upoznati predsjednika i Izvršni odbor Saveza, najkasnije 15 dana prije održavanja Skupštine. Generalni sekretar potrebne materijale sa konačnim dnevnim redom upućuje pozvanim najmanje deset dana prije Skupštine.
- 4 Kandidature za izborne funkcije (uključujući njihove radne biografije) moraju biti dostavljene pismenim putem u Sekretarijat najkasnije dva mjeseca prije datuma održavanja Skupštine Saveza.

Vanredna Skupština

Član 24.

- 1 Vanrednu sjednicu Skupštine saziva Izvršni odbor na pismeni zahtjev jedne polovine članica Saveza preko većine svojih delegata. Zahtjev mora sadržavati teme za dnevni red i kratko obrazloženje zahtjeva, a mora se uputiti generalnom sekretaru Saveza.
- 2 Ako se pravovaljano zatraži sazivanje vanredne Skupštine, ona se mora održati u roku od najviše 30 dana. Poziv za Skupštinu i njen dnevni red generalni sekretar Saveza mora dostaviti pismenim putem članovima Saveza i delegatima Skupštine u roku od dvije sedmice.
- 3 Dnevni red vanredne Skupštine ne može se mijenjati.

Rukovođenje Skupštinom

Član 25.

Redovnom ili vanrednom Skupštinom rukovodi predsjednik, u slučaju odsutnosti predsjednika Skupštinom predsjedava dopredsjednik Saveza, a ukoliko su oni spriječeni da prisustvuju Skupštini, Skupštinom predsjedava najstariji član Izvršnog odbora Saveza.

Izbori i glasanje

Član 26.

- 1 Izbori se vrše tajnim glasanjem.
- 2 Druge odluke donose se aklamacijom sve dok Skupština ne odluči drugačije.
- 3 Nije dopušteno davanje punomoći za glasanje.
- 4 Suspendirana članica ili članica koja imaju status privremenog člana nemaju pravo glasa.
- 5 Da bi bio izabran za predsjednika i dopredsjednika Saveza u prvom krugu glasanja, kandidat mora dobiti natpolovičnu većinu izraženih glasova. U drugom krugu glasanja, u kojem učestvuju kandidati sa najvećim brojem glasova osvojenih u prvom krugu, kandidat mora dobiti najveći broj glasova.
- 6 Nakon izbora 12 stalnih i 4 zamjenska člana Izvršnog odbora u skladu sa članom 16 i 29 Statuta, te tačkom 5 ovog člana, pristupa se izboru predsjednika i dopredsjednika NS SBK/KSB.
- 7 Uzdržani glasovi, nevažeći listići, ili drugi neprihvatljivi načini glasanja neće se uzimati u obzir.

Donošenje odluka

Član 27.

- 1 Skupština Saveza odluke donosi tročetvrtinskom većinom od ukupnog broja članova Skupštine.
- 2 Kada Skupština zasjeda u novom sazivanju prema članu 21. stav 2. i stav 3. ovog Statuta, odluke se donose $\frac{3}{4}$ većinom glasova prisutnih članova Skupštine.
- 3 Sljedeće odluke mogu biti donesene samo ako Skupština (redovna, vanredna ili ponovljena) ima kvorum od $\frac{3}{4}$ većine od ukupnog broja članova Skupštine i ako dobije $\frac{3}{4}$ većinu glasova ukupnog broja članova o:
 - a) promjeni sjedišta Saveza,
 - b) izmjeni dnevnog reda
 - c) usvajanju i izmjeni strukture prvenstva na razini NS SBK/KSB (npr. broj ekipa koje sudjeluju, sustav natjecanja itd.),
 - d) usvajanju, izmjeni i dopuni Statuta NS SBK/KSB,
 - e) suspenziji i isključenju člana Saveza,
 - f) napuštanju- raspuštanju Saveza,
 - g) i drugim pitanjima o kojima odluči Skupština.
- 4 Odluke donesene na Skupštini provode se odmah, osim ako Skupština ne odluči drukčije.

ZAPISNIK

Član 28.

- 1 Generalni sekretar odgovoran je za vođenje zapisnika na sjednici Skupštine.
- 2 Zapisnik sa održane sjednice Skupštine potpisuju ovjerivači zapisnika u roku od dvije sedmice od održane sjednice Skupštine. Zapisnik se potom dostavlja članovima

Skupštine u roku od 30 dana od sjednice Skupštine. Ako Sekretarijat ne primi nikakav prigovor u roku od dvije sedmice nakon dostave zapisnika, zapisnik se smatra prihvaćenim. Svi prigovori dostavljaju se na sljedeću redovnu Skupštinu, na kojoj se donosi definitivna odluka.

VIII IZVRŠNI ODBOR

Struktura, sastav

Član 29.

- 1 Izvršni odbor je izvršno tijelo Saveza.
- 2 Izvršni odbor sastoji se od 12 stalnih članova od kojih je 6 iz dijela SBK i 6 iz dijela KSB , te 4 zamjenska člana od kojih su 2 iz dijela SBK a 2 iz dijela KSB , među kojima su predsjednik i dopredsjednik.
- 3 Svaki kandidat za člana Izvršnog odbora potvrđuje volju za prihvatanje funkcije člana ovog tijela pred Skupštinom Saveza.

Kandidature, mandat i zamjena

Član 30.

- 1 Kandidate za izbor stalnih članova Izvršnog odbora (uključujući zamjenske) predlažu članovi Saveza iz dijela SBK i dijela KSB.
- 2 Članovi Saveza dužne su generalnom sekretaru NSSBK/KSB pismenim putem dostaviti imena (uključujući biografije koje sadrže informacije o obrazovanju i profesionalnim iskustvima) kandidata predloženih za izbor u Izvršni odbor najkasnije 30 dana prije datuma održavanja Skupštine.
- 3 Trajanje mandata članova Izvršnog odbora uključujući i zamjenske članove je četiri godine.
- 4 Svaki član Izvršnog odbora može biti ponovno izabran.
- 5 Ako se pojavi upražnjeno mjesto redovnog člana Izvršnog odbora, to upražnjeno mjesto će biti automatski popunjeno za preostali dio mandata zamjenskim članom, iz dijela SBK ili dijela KSB iz kojeg je odlazeći član, a koji je osvojio najveći broj glasova delegata od zamjenskih članova Izvršnog odbora.

Nadležnost članova Izvršnog odbora

Član 31.

Izvršni odbor:

- a) donosi smjernice za rad Saveza i članica Saveza u svim aspektima nogometa,
- b) donosi odgovarajuće odluke i smjernice vezano za obaveze Saveza prema NS F BiH i NS/FS BiH, za koje ga ovlasti Skupština NS SBK/KSB,
- c) donosi poslovnik o radu stalnih i ad hoc komisija Saveza, te druge akte koji nisu u nadležnosti Skupštine,
- d) donosi prijedloge programa razvoja i unaprjeđenja nogometa na nivou SBK/KSB i Federacije BiH i u skladu s tim daje uputstva članicama savezima,
- e) utvrđuje prijedlog finansijskog plana-budžeta Saveza i priprema materijale za završni račun i za obračun prihoda i rashoda,
- f) donosi kalendar takmičenja na nivou SBK/KSB,
- g) donosi sve pravilnike i poslovnike, osim onih čije je donošenje u nadležnosti Skupštine,
- h) donosi propozicije za organizaciju takmičenja na nivou Saveza,

- i) usvaja listu sudaca/sudija i delegata na ligama kojima rukovodi,
- j) obrazuje i raspušta stalne i privremene komisije,
- k) imenuje predsjednike, dopredsjednike i članove stalnih i povremenih komisija iz svojih nadležnosti,
- l) utvrđuje termin, dnevni red Skupštine, broj delegata sa pravom glasa i konačnu listu delegata Skupštine,
- m) razmatra i usvaja izvještaje stalnih i ad hok komisija i Sekretarijata Saveza,
- n) predlaže Skupštini kandidate za status počasnih članova,
- o) imenuje i razrješava generalnog sekretara, utvrđuje uslove za imenovanje generalnog sekretara, njegove nadležnosti i ovlaštenja,
- p) nadzire Sekretarijat,
- r) donosi Pravilnik o sistematizaciji i djelokrugu rada Sekretarijata Saveza.
- s) sprovodi odluke i zaključke Skupštine i stara se o njihovoj realizaciji, podnosi Skupštini izvješće o svom radu,
- t) odlučuje o zaštiti Pravilnika po podignutim zahtjevima-vanrednim pravnim sredstvima,
- u) usvaja izvješća organa koji nisu u nadležnosti Skupštine,
- v) obavlja i druge poslove za koje ga ovlasti Skupština ili su predviđeni općim aktima NS SBK/KSB.
- z) odlučuje i o svim ostalim pitanjima koja nisu u nadležnosti nekog drugog statutarnog tijela.

Kalendar sjednica, dnevni red

Član 32.

- 1 Izvršni odbor sastaje se u pravilu jednom mjesečno. Sjednicu saziva i njom predsjedava predsjednik. Na zahtjev 1/3 članova, predsjednik saziva sjednicu Izvršnog odbora u roku od deset dana.
- 2 Članovi Izvršnog odbora mogu dostaviti generalnom sekretaru teme za dnevni red najmanje deset dana prije održavanja sjednice.
- 3 Poziv i Dnevni red dostavlja se članovima Izvršnog odbora najmanje 7 dana prije sjednice, od strane generalnog sekretara.
- 4 Sjednica Izvršnog odbora NS SBK/KSB nije otvorena za javnost. Izvršni odbor može pozvati treća lica da prisustvuju sjednici Izvršnog odbora. Ta treća lica nemaju pravo glasa, ali im je dozvoljeno da izraze svoje mišljenje uz dozvolu Izvršnog odbora.
- 5 Generalni sekretar prisustvuje sjednicama Izvršnog odbora u konsultativnom svojstvu.

Kvorum

Član 33.

- 1 Izvršni odbor ima kvorum kada sjednici prisustvuje najmanje 8 članova.
- 2 Ako se ne postigne ovaj kvorum, Izvršni odbor se automatski mora sastati narednog radnog dana na istom mjestu i u isto vrijeme, da bi razmatrao isti dnevni red.
- 3 U ponovljenoj sjednici Izvršni odbor ima kvorum ako je prisutno najmanje 7 članova.
- 4 Ipak, ako odluke koje se odnose na pitanja koja regulira član 31. tačke: c, e, f, g, h, i, j, k, n, o, r i t - Izvršnom odboru je potreban kvorum najmanje 8 članova.

Donošenje odluka, suspenzija članova IO i pravnih tijela, suspenzija i isključenje članova komisija

Član 34.

- 1 Izvršni odbor donosi odluke sa najmanje 8 glasova od ukupnog broja članova.
- 2 U ponovljenoj sjednici, odluke se donose s najmanje 7 glasova od ukupnog broja članova Izvršnog odbora.

- 3 Za odluke iz člana 26. tačke: c, e, f, g, h, i, j, k, n, o, r, i t - odluke se donose sa
najmanje 8 glasova od ukupnog broja članova Izvršnog odbora.
- 4 U slučaju jednakog broja glasova, u ponovljenoj sjednici odlučuje glas predsjednika ili
predsjedavajućeg.
- 5 Izvršni odbor donosi odluke samo o onim temama koje su pravovaljano stavljene na
dnevni red.
- 6 Odluke Izvršnog odbora provode se odmah, osim ako izvršni odbor ne odluči
drugačije.
- 7 Ako član Izvršnog odbora NS SBK/KSB ne prisustvuje na najmanje tri propisno
sazvana sastanka tokom iste kalendarske godine, Izvršni odbor mora razriješiti
takvog člana i zamijeniti ga odgovarajućim zamjenskim članom do naredne
Skupštine.
- 8 Ako član Izvršnog odbora napusti propisno sazvan sastanak bez opravdanog razloga,
Izvršni odbor može, na osnovu svog diskrecionog prava, razriješiti takvog člana i
zamijeniti ga odgovarajućim zamjenskim članom do naredne Skupštine.
- 10 Izvršni odbor može suspendirati jednog člana pravnog tijela do održavanja sljedeće
Skupštine, ako se dokaže da je kriv za teške propuste u obavljanju svojih zadaća ili
da je neispravno postupio. Konačnu suspenziju izriče Skupština.
- 11 Izvršni odbor može suspendirati ili isključiti iz funkcije članove komisija, te im
imenovati zamjenu za preostalo trajanje mandata.

Komitet za hitnost NS SBK/KSB

Član 35.

- 1 Komitet za hitnost NS SBK/KSB bavi se svim pitanjima koja traže da budu riješena
odmah, između dva sastanka Izvršnog odbora.
- 2 Komitet za hitnost sastoji se od četiri (4) člana:
- a) predsjednika,
 - b) dopredsjednika,
 - c) druga dva (2) redovna člana Izvršnog odbora, imenuje predsjednik Saveza od
slučaja do slučaja a u skladu sa njihovom dostupnošću i uz izbjegavanje
sukoba interesa.
- 3 Jedan član mora dolaziti iz dijela SBK a drugi član iz dijela KSB.
- 4 Generalni sekretar, po zahtjevu predsjednika, saziva sastanke Komiteta za hitnost.
Ako se sastanak ne može sazvati u odgovarajućem vremenskom roku, odluke se
mogu donositi drugim sredstvima komunikacije (telefon, telefax, pismo ili elektronska
pošta).
- 5 Ako predsjednik ili dopredsjednik nisu u mogućnosti da prisustvuju ili imaju sukob
interesa, sastav Komiteta za hitnost uputpunjeju se kroz imenovanje daljnjih članova
Izvršnog odbora, po redosljedu najviše rangiranog i nepristrasnog člana ili u slučaju
da su samo redovni članovi dostupni po starini.
- 6 Član Izvršnog odbora koji u konačnici ima pravo da imenuje članove Komiteta za
hitnost za konkretan slučaj isto tako i presjedava umjesto predsjednika.
- 7 Generalni sekretar zadužen je za administraciju Komiteta za hitnost i može
prisustvovati sastancima u savjetodavnom svojstvu. Daje administrativnu podršku i
vodi zapisnik na tim sastancima, koji podnosi svim članovima Izvršnog odbora, u
pismenom obliku, u roku od tri radna dana.

Nadležnost i odlučivanje

Član 36.

- 1 Komitet za hitnost je ovlašten da donosi odluke o hitnim pitanjima koja ulaze u
nadležnost Izvršnog odbora.

- 2 Komitet za hitnost donosi valjane odluke ako svi imenovani članovi prisustvuju sastanku ili su uključeni u proces odlučivanja. Odluka se donosi ako je podrži najmanje 3 člana, ali se uvijek mora tražiti koncenzus.
- 3 Ako se ne odluči drugačije, takva odluka stupa na snagu odmah.
- 4 Na narednoj sjednici Izvršnog odbora, predsjedavajući Komiteta za hitnost obavještava sve članove o vijećanju i odlukama, kao i o izvršenju tih odluka.

Predsjednik NS SBK/KSB

Član 37.

- 1 Predsjednik predstavlja i postupa u ime NSSBK/KSB.
- 2 On je prvenstveno zadužen za:
- a) provođenje odluka koje donese Skupština i Izvršni odbor, kao i Komitet za hitnost, kroz Sekretarijat;
- b) osiguravanje djelotvornog funkcioniranja tijela NS SBK/KSB, da bi se ostvarili ciljevi opisani u ovom Statutu i programima koje odobri Skupština ili drugo nadležno tijelo;
- c) nadziranje rada Sekretarijata;
- d) održavanje odnosa između NS SBK/KSB i njegovih članica, kao i političkih vlasti i svih drugih organizacija.
- 3 Samo predsjednik može predložiti imenovanje ili razrješenje generalnog sekretara.
- 4 Uz podršku generalnog sekretara, predsjednik saziva i priprema Dnevni red Skupštine, Izvršnog odbora, kao i Komiteta za hitnost, kojem i predsjedava.
- 5 Predsjednik koordinira rad Skupštine, Izvršnog odbora i Komiteta za hitnost, te prati rad pravnih tijela, kao i stalnih i ad hoc komisija.
- 6 U slučaju neriješenog glasanja na Izvršnom odboru ili Komitetu za hitnost, predsjednikov glas je odlučujući.
- 7 U odsutnosti predsjednika ili nemogućnosti da izvršava svoje dužnosti zbog bolesti ili nesreće, dopredsjednik preuzima njegova ovlaštenja i dužnosti. Ako ni dopredsjednik nije u mogućnosti da preuzme dužnost, Izvršni odbor imenuje zamjenika iz svojih članova, do naredne Skupštine.
- 8 Predsjednik, zajedno sa generalnim sekretarom, ima pravo da bude ovlašten potpisnik, osim ako nije drugačije određeno propisima Izvršnog odbora.

Mandat predsjednika i dopredsjednika

Član 38.

- 1 Mandat predsjednika i dopredsjednika traje četiri godine.
- 2 Kandidat koji je dobio najviše glasova izabran je za predsjednika, a u vezi sa članom 26. stav 5.
- 3 Za dopredsjednika je izabran kandidat koji je sljedeći po broju glasova, vodeći računa o zastupljenosti i ravnopravosti dijela SBK i dijela KSB, a uvažavajući da predsjednik i dopredsjednik istovremeno ne mogu biti iz dijela SBK ili iz dijela KSB.
- 4 Predsjednik NS SBK/KSB u jednom mandatu bira se iz iz dijela SBK, odnosno iz dijela KSB u drugom mandatu i tako naizmjenično, te se na ovaj način osigurava princip rotacije i ravnopravnosti iz dijela SBK i iz dijela KSB.
- 5 Predsjednik i dopredsjednik Saveza su kandidati za člana Izvršnog odbora uključujući i zamjenskog člana, predsjednika i jednog od dopredsjednika NS F BiH i NS/FS BiH, o čemu odlučuje Skupština Saveza.

Razrješenje pojedinca ili tijela

Član 39.

- 1 Skupština može razriješiti pojedinca ili tijelo. Izvršni odbor može razrješenje pojedinca ili tijela staviti na dnevni red Skupštine. Izvršni odbor može privremeno razriješiti pojedinca ili tijelo, što odmah stupa na snagu, ako je takvo lice počinilo teško kršenje Statuta, propisa ili odluka donesenih na osnovu Statuta, propisa ili odluka donesenih na osnovu Statuta, ili izvršilo teško krivično djelo. Član Izvršnog odbora može podnijeti prijedlog da se takav zahtjev za razrješenje stavi na dnevni red Izvršnog odbora ili Skupštine.
- 2 Zahtjev za razrješenje mora biti opravdan. Šalje se članicama NS SBK/KSB, zajedno sa dnevnim redom.
- 3 Dotični pojedinac ili tijelo ima pravo da traži da se oglasi u svoju odbranu. Ako je dotični pojedinac delegat u Skupštini ili član Izvršnog odbora, nema pravo glasa i tokom procesa glasanja mora napustiti prostoriju.
- 4 Ako se zahtjev za razrješenje podrži, Skupština ili Izvršni odbor donosi odluku tajnim glasanjem. Da bi se takav zahtjev usvojio, potrebna je većina od $\frac{3}{4}$ važećih glasova prisutnih članova.
- 5 Pojedinac ili tijelo koji su razriješeni (privremeno) moraju se odmah osloboditi svojih dužnosti. Takav pojedinac ili tijelo zamjenjuju se u skladu sa Statutom.

IX PRAVNA TIJELA

Član 40.

- 1 Pravna tijela Saveza su:
 - a) Disciplinska komisija,
 - b) Apelaciona komisija.
 - c) Tužioci
- 2 Članovi pravnih tijela ne mogu istovremeno biti članovi Izvršnog odbora ni bilo koje stalne ili ad hoc komisije.
- 3 Predsjednika, dopredsjednika, članove pravnih tijela i njihove zamjenike bira Skupština, u skladu sa odredbama ovog Statuta, na mandat u trajanju od 4 godine.
- 4 Prava i dužnosti svih pravnih tijela, funkcije predsjednika i dopredsjednika će biti utvrđene posebnim organizacionim propisima koje usvaja Izvršni odbor.
- 5 Nadležnost i način rada, kao i druge odredbe o radu pravnih tijela, bliže se regulišu poslovníkom o radu pojedinih pravnih tijela Saveza.
- 6 Predsjedavajući Disciplinske i Apelacione komisije moraju biti diplomirani pravници, a biraju se jedan iz dijela SBK a drugi iz dijela KSB.
- 7 U slučaju spriječenosti, na sljedećoj redovnoj Skupštini Saveza bira se zamjena za preostalo trajanje mandata. U međuvremenu, na upražnjeno mjesto imenuje se zamjena od strane Izvršnog odbora Saveza.
- 8 Ako pravovaljano pozvan član izostane sa sastanka bez opravdanog razloga ili ne glasa na dva uzastopna sastanka, Izvršni odbor može privremeno razriješiti tog člana s njegove funkcije. Nadalje, Izvršni odbor na narednoj Skupštini traži da se glasa o razrješenju tog člana. U slučaju potvrde razrješenja, delegati moraju provesti izbore kako bi isti bio zamijenjen za preostali dio mandata.
- 9 U osnovi sastav pravnih tijela treba sačinjavati: predsjednik i dopredsjednik te dva člana uz dva zamjenska člana po jedan iz dijela SBK i iz dijela KSB.

Disciplinska komisija

Član 41.

- 1 Disciplinska komisija sastoji se od četiri člana, uz dva zamjenska člana u cilju izbjegavanja sukoba interesa, 2 iz dijela SBK i 2 iz dijela KSB, te 1 zamjenski član iz dijela SBK a 1 iz dijela KSB.
- 2 Predsjednik i dopredsjednik moraju biti birani iz dijela SBK i iz dijela KSB.
- 3 Predsjednika, dopredsjednika i članove (uključujući i zamjenske) Komisije imenuje Skupština Saveza, na prijedlog članica saveza.
- 4 Kvorum je postignut kada su prisutna najmanje tri člana Komisije.
- 5 Odluke se donose 2/3 većinom od ukupnog broja članova Komisije.
- 6 U ponovljenoj sjednici, koja se mora održati u roku od osam dana, odluke se donose 2/3 većinom prisutnih članova.
- 7 U slučaju jednakog broja glasova, odlučuje glas predsjednika ili predsjedavajućeg.

Apelaciona komisija

Član 42.

- 1 Apelaciona komisija sastoji se od četiri člana, uz dva zamjenska člana u cilju izbjegavanja sukoba interesa, iz dijela SBK i iz dijela KSB.
- 2 Predsjednik i dopredsjednik moraju biti birani iz dijela SBK i iz dijela KSB.
- 3 Predsjednika, dopredsjednika i članove (uključujući i zamjenske) Komisije imenuje Skupština Saveza, na prijedlog članica saveza.
- 4 Kvorum je postignut kada su prisutna najmanje tri člana Komisije.
- 5 Odluke se donose 2/3 većinom glasova od ukupnog broja članova Komisije
- 6 U ponovljenoj sjednici, koja se mora održati u roku od osam dana, odluke se donose dvotrećinskom većinom od ukupnog broja prisutnih članova.
- 7 U slučaju jednakog broja glasova, odlučuje glas predsjednika ili predsjedavajućeg.
- 8 Odluke Apelacione komisije su konačne.
- 9 Apelaciona komisija rješava sve žalbe na odluke Disciplinske komisije, Komisije za t akmičenje i prvostepenih takmičarskih i disciplinskih organa liga koji su u nadležnosti NS SBK/KSB, prema odredbama ovog Statuta i odlukama Izvršnog odbora.

Tužioci

Član 43.

- 1 NS SBK/KSB ima dva tužioca jedan iz dijela SBK i jedan iz dijela KSB koji moraju biti diplomirani pravnici.
- 2 Tužilac zastupa interese NS SBK/KSB u disciplinskim postupcima.
- 3 Predsjednik NS SBK/KSB i predsjedavajući pravnih tijela mogu tražiti da tužilac NS SBK/KSB provede istragu.
- 4 Tužilac ima pravo uložiti žalbu na odluku Disciplinske komisije i reagovati na odluku Apelacione komisije.
- 5 Bliže odredbe o pravima i obavezama tužilaca utvrđuju se Pravilnikom o radu tužilaca, koji donosi Skupština.

X KOMISIJE

Član 44.

- 1 Stalne komisije su:
 - a) Financijska komisija
 - b) Komisija za takmičenje
 - c) Stručno trenersko-tehnička komisija

- d) Komisija za sportsku medicinu
- e) Komisija za sudije i suđenje
- f) Komisija za omladinski nogomet
- g) Komisija za ženski nogomet
- h) Komisija za mali nogomet
- i) Komisija za status igrača
- j) Komisija za propise
- k) Komisija za stadione i bezbjednost
- l) Komisija za medije

- 2 Izvršni odbor može po potrebi osnivati nove stalne ili ad hok komisije radi rješavanja posebnih pitanja.
- 3 Svaka komisija sastoji se od četiri člana od kojih po dva iz dijela SBK i dva iz dijela KSB, uključujući predsjednika i dopredsjednika.
- 4 Funkcije predsjednika i dopredsjednika komisije će biti utvrđene posebnim organizacionim pravilnikom.
- 5 Predsjednik i dopredsjednik moraju biti iz dijela SBK i iz dijela KSB.
- 6 Korum je postignut kada su prisutna najmanje tri člana.
- 7 Komisije donose odluke 2/3 većinom ukupnog broja članova.
- 8 U ponovljenoj sjednici koja će se održati najkasnije u roku od osam dana, odluke se donose 2/3 većinom prisutnih članova.
- 9 U slučaju jednakog broja glasova, odlučuje glas predsjednika ili predsjedavajućeg.

Struktura komisija

Član 45.

- 1 Predsjednika, dopredsjednika i članove svake stalne komisije imenuje Izvršni odbor na mandat u trajanju od četiri godine, uz mogućnost ponovnog izbora.
- 2 Sastav članova stalnih komisija čine predsjednik, dopredsjednik i dva člana po jedan član iz dijela SBK i iz dijela KSB.
- 3 Odlukama Izvršnog odbora mogu se formirati i inokosni organi.
- 4 Izvršni odbor može donijeti odluku da poslove i zadatke iz nadležnosti takmičarskih organa obavljaju inokosni organi (povjerenik za natjecanje, povjerenik za suđenje, disciplinski sudac i dr.)

Sjednice, odluke i druge odredbe

Član 46.

- 1 Predsjednik rukovodi radom Komisije. Nakon obaveznih konsultacija sa generalnim sekretarom, on određuje datume sjednica. Predsjednik je odgovoran da komisija obavlja svoje poslove i da o tome redovno informiše predsjednika i Izvršni odbor, putem blagovremenog dostavljanja zapisnika sa sjednica.
- 2 Prava, nadležnosti i način rada komisije utvrđuju se odgovarajućim pravilnicima i poslovnica o radu komisija.

XI SEKRETARIJAT (Stručna služba Saveza)

Član 47.

Sekretarijat obavlja svakodnevne aktivnosti administrativno-finansijsko-takmičarskog karaktera svih oblika, kao i poslova za opsluživanje organa, pravnih tijela i komisija, organizuje svoju stručnu službu- Sekretarijat Saveza.

Član 48.

- 1 Bliže odredbe o organizaciji stručne službe- Sekretarijata Saveza, regulišu se Pravilnikom o radu i organizaciji stručne službe, sa sistematizacijom radnih mjesta i uslovima potrebnih za obavljanje traženih poslova i platama.
- 2 Pravilnik, u smislu prethodnog stava, usvaja Izvršni odbor Saveza, na prijedlog predsjednika i generalnog sekretara.

Član 49.

Sekretarijat je odgovoran za administrativna pitanja, kao što su:

- a) provođenje odluka Izvršnog odbora, stalnih i ad hoc komisija;
- b) vođenje računovodstva Saveza;
- c) pripremanje sjednica Skupštine, Izvršnog odbora, stalnih i ad hoc komisija;
- d) vođenje zapisnika na sjednicama Izvršnog odbora, stalnih i ad hoc komisija;
- e) kontakti sa javnošću;
- f) pomoć i podrška članovima Saveza

Generalni sekretar

Član 50.

- 1 Generalni sekretar je administrativni izvršni direktor Sekretarijata. Imenuje ga Izvršni odbor i zapošljava u Savez na osnovu ugovora o radu.
- 2 Bliže odredbe o nadležnostima, pravima, obavezama, uslovima za imenovanje i ostalim principima oko njegovog imenovanja i reizbora, utvrđuje Izvršni odbor Saveza svojom odlukom, na prijedlog predsjednika Saveza.
- 3 Prisustvuje sjednicama Skupštine, Izvršnog odbora, Komiteta za hitnost i drugih organa i tijela, učestvuje u raspravama u savjetodavnom svojstvu. U slučaju spriječenosti, može imenovati zamjenu.
- 4 Podnosi Izvršnom odboru izvještaj o poslovanju, šestomjesečnom i godišnjem finansijskom izvještaju Saveza.
- 5 Odgovoran je za obavljanje svih zadaća Sekretarijata, kao i za rukovođenje personalom.
- 6 Potpisuje odluke iz djelokruga rada Sekretarijata, s tim što ovlaštenje može prenijeti na drugu osobu.

XII RAČUNOVODSTVO

Fiskalna godina, budžet

Član 51.

- 1 Fiskalna godina Saveza počinje 1. januara/siječnja i završava 31. decembra/prosinca.
- 2 Izvršni odbor Saveza utvrđuje budžetske smjernice Saveza, finansijski plan prihoda i rashoda za tekuću godinu, koje razmatra i usvaja Skupština Saveza.
- 3 O vanrednim troškovima koji nisu predviđeni u budžetu odlučuje IO Saveza, preko dodatnog kreditiranja. O njima se raspravlja prilikom rebalansa budžeta Saveza.
- 4 Naredbodavac za izvršenje plana prihoda i rashoda utvrđenom odlukom o budžetu Saveza za tekuću godinu je generalni sekretar Saveza.

Revizija računovodstva

Član 52.

- 1 Sektor računovodstva i knjigovodstva obavezan je voditi računovodstvene knjige u skladu sa Zakonom, kao i podnositi finansijski godišnji izvještaj, koje razmatra i usvaja Skupština Saveza.

- 2 Skupština Saveza bira Nadzorni odbor, kao revizorsko tijelo, na mandat od četiri godine.
- 3 Nadzorni odbor vrši reviziju obračuna i podnosi pismeni izvještaj Skupštini Saveza na razmatranje i usvajanje.

XIII FINANSIRANJE SAVEZA

Član 53.

- 1 Savez se finansira iz sljedećih izvora:
 - a) kotizacije, članarine i takse članova saveza, klubova, sudija, trenera i ostalih službenih lica
 - b) prihod od izrečenih kazni
 - c) ostali prihodi.
- 2 Sredstva iz prihoda Saveza mogu se koristiti isključivo za razvoj nogometa, a u skladu sa ciljevima i zadacima Saveza.

Član 54.

Savez je obavezan da organizuje, vodi knjigovodstvo, finansijske i komercijalne poslove u skladu sa računovodstvenim i finansijskim propisima FBiH i BiH.

XIV TV I MARKETINŠKA PRAVA

Televizijski i radio prijenos

Član 55.

- 1 Za utakmice koje su u njegovoj nadležnosti, Savez je nosilac ekskluzivnih prava za televizijski i radio prijenos, kao i za bilo koje drugo korištenje i emitiranje putem slike ili zvuka, direktno ili snimkom, u cijelosti ili u dijelovima, s tim da klubovi imaju pravo na dio prihoda koji se odnose na domaća klupska takmičenja.
- 2 Klubovi su nosioci prava iz stava 1. ovog člana za turnire čiji su organizatori klubovi.
- 3 Izvršni odbor donosi pripadajuće odredbe o primjeni ovog člana.

XV TAKMIČENJA/NATJECANJA

Takmičenja/Natjecanja na nivou SBK/KSB

Član 56.

- 1 Savez je odgovoran za organizaciju takmičenja na nivou SBK/KSB kao i takmičenja koja mu je u nadležnost prenio NS F BiH. Sve njegove odluke po tom pitanju su konačne.

Član 57.

Takmičenja/natjecanja Saveza su sljedeća: prvenstvo u muškom velikom nogometu, prvenstvo mlađih kategorija, kao i druga prvenstvena i kup natjecanja koje mu je u nadležnost prenio NS F BiH.

Član 58.

- 1 Svako takmičenje ili turnir organizovan u SBK/KSB na međunarodnom, državnom, međukantonalnom/međužupanijskom nivou podliježe odobrenju od strane NS SBK/KSB, NS FBiH i NS/FS BiH.
- 2 Svako takmičenje ili turnir u SBK/KSB u organizaciji jedne od članica Saveza podliježe odobrenju od strane NS SBK/KSB.

Pravila takmičenja

Član 59.

- 1 Izvršni odbor donosi pravila: propozicije i odgovarajuće akte za takmičenja na nivou SBK/KSBI za druga takmičenja koja su u njegovoj nadležnosti.
- 2 Uslov za učestvovanje na takmičenju je da članica prihvata Statut Saveza, pravilnike NS/FS BiH , NS FBiH i NS SBK/KSB kao i odluke donesene u skladu sa njima.

Zabrana udruživanja ili saveza

Član 60.

- 1 Svaka liga ili bilo koja druga grupa klubova udruženih u NS SBK/KSB mora biti podređena i priznata od strane NS SBK/KSB.
- 2 Statuti i pravilnici takvih udruženja prethodno moraju dobiti saglasnost Izvršnog odbora Saveza.
- 4 Članice Saveza ne mogu formirati nikakve kombinacije ili saveze bez prethodnog odobrenja izvršnog odbora Saveza.
- 5 Bez izričitog odobrenja, klubovi koji su članovi Saveza ne mogu igrati protiv klubova koji nisu učlanjeni u Savez.

XVI DISCIPLINSKA PRAVILA

Član 61.

Disciplinske mjere mogu biti izrečene za nesportsko ponašanje, povredu Pravila nogometne igre i prekršaj Statuta Saveza, pravilnika ili odluka donesenih u skladu sa njima.

Disciplinske mjere

Član 62.

- 1 Članovima Saveza mogu biti izrečene disciplinske mjere, u skladu sa Disciplinskim pravilnikom NS/FS BiH.
- 2 Vrste disciplinskih mjera su:
 - I Za pojedince:
 - a) opomena;
 - b) novčana kazna;
 - c) zabrana igranja određenog broja utakmica ili za određeni period
 - d) zabrana obavljanja funkcije za određeni period
 - e) isključenje iz kluba;
 - f) isključenje iz nogometne organizacije.
 - II Za klubove i asocijacije:
 - a) opomena;
 - b) novčana kazna;
 - c) zabrana odigravanja utakmica u inostranstvu;
 - d) zabrana odigravanja utakmica na određeno vrijeme na određenom igralištu ili svim igralištima određenog regiona;
 - e) zabrana igranja sa gledateljima;
 - f) oduzimanje bodova;
 - g) negativni bodovi;
 - h) vraćanje u niži stepen takmičenja;
 - i) diskvalifikacija iz takmičenja.

Član 63.

- 1 Pravna tijela ovlaštena su za izricanje disciplinskih mjera
- 2 Disciplinske mjere mogu biti izrečene istovremeno vezano za pojedini slučaj.

XVII S P O R O V I

Nezavisni i nepristrasni arbitražni tribunal – CAS

Član 64.

- 1 NS SBK/KSB, njegove članice, klubovi, igrači, službena lica i drugi učesnici u organiziranom nogometu mogu u konačnoj instanci svaki spor domaćeg karaktera koji proizilazi ili je vezan za NS SBK/KSB, Statut, propise, direktive i odluke donesene u vezi s njim, kao i sporove vezane za bilo koji ugovor, podnijeti na isključivu nadležnost CAS-a u Lozani, u Švicarskoj. Izvršni odbor može putem NS F BiH uspostaviti odgovarajući dogovor sa CAS-om kojim se određuje postupanje u slučajevima NS SBK/KSB kao članice NS F BiH.
- 2 CAS ostaje priznati arbitražni tribunal NS/FS BiH sve dok sportska organizacija ne uspostavi, u skladu sa zakonodavstvom BiH, odgovarajući arbitražni tribunal za teritoriju Bosne i Hercegovine, koja zadovoljava minimalne zahtjeve FIFA-e i UEFA-e.
- 3 CAS donosi konačna rješenja u sporovima, uz isključenje bilo kojeg redovnog suda, osim ako to nije eksplicitno zabranjeno važećim zakonima Bosne i Hercegovine.
- 4 U slučajevima kada je odluka statutarnog tijela NS SBK/KSB postala konačna i nema drugih dostupnih pravnih lijekova, strana koja ima pravnog interesa može žalbu na takvu odluku podnijeti CAS-u, uz isključenje žalbe pred bilo kojim redovnim sudom.
- 5 Ako se strane ne dogovore drugačije, pred CAS-om važe švicarski zakoni.
- 6 Međutim, CAS neće razmatrati žalbe po ovim pitanjima:
- a) žalbe u vezi sa kršenjem Pravila igre,
 - b) žalbe na suspenzije do četiri utakmice ili do tri mjeseca,
 - c) žalbe na odluke koje donose nezavisni i propisno formirani arbitražni tribunal saveza ili konfederacije,
 - d) odluke tijela za licenciranje klubova.
- 7 Što se tiče FIFA-inih odluka u međunarodnim stvarima, primjenjuju se relevantne odredbe FIFA-inog Statuta.

Nadležnost

Član 65.

- 1 NS SBK/KSB, njegove članice, igrači i službenici, klubovi, službena lica Saveza svoje sporove neće podnositi redovnim sudovima, osim ako to nije konkretno predviđeno ovim Statutom i FIFA-inim propisima. Svako neslaganje će se podnositi na nadležnost FIFA-e, UEFA-e, NS/FS BiH, NS FBiH ili NS SBK/KSB.
- 2 NS SBK/KSB je nadležan u internim sporovima, tj. sporovima između stranaka koje pripadaju NS SBK/KSB. NS/FS BiH je nadležan u međuentitetskim sporovima, tj. sporovima između stranaka koje pripadaju različitim entitetima. FIFA je nadležna u međunarodnim sporovima, tj. sporovima između stranaka koje pripadaju različitim savezima ili konfederacijama.

XVIII ZAVRŠNE ODREDBE

Važeći zakoni i teritorijalna nadležnost

Član 66.

- 1 U svim slučajevima kada je to potrebno, pored ovog Statuta, Statuta NS F BiH, Statuta NS/FS BiH i pravilnika i poslovnika organa Saveza i NS/FS BiH i NS F BiH, kao i odluka nadležnih organa saveza, primjenjivat će se prvo odgovarajući Statuti FIFA-e i UEFA-e, propisi i direktive, kao supsidijarni propis, prije primjene zakonodavstva Federacije Bosne i Hercegovine i Bosne i Hercegovine.

- 2 Postupci koji se provode pred statutarnim tijelima NS SBK/KSB, vode se u skladu sa relevantnim odredbama propisa NS SBK/KSB. Ako ti propisi ne daju odgovor, prvo se primjenjuju odgovarajući statuti FIFA-e i UEFA-e, propisi i direktive, kao supsidijarni propis, prije primjene Zakona o upravnom postupku FBiH.

Materija koja nije obuhvaćena Statutom

Član 67.

Izvršni odbor ovlašten je da odlučuje o svim pitanjima koja nisu obuhvaćena ovim Statutom ili u slučajevima više sile, a u skladu sa pravom i pravdom.

Raspuštanje Saveza

Član 68.

- 1 U slučaju da nastupe okolnosti na osnovu kojih Savez prestaje da postoji, za odluku o raspuštanju Saveza potrebna je $\frac{3}{4}$ većina članova Skupštine Saveza.
- 2 U slučaju raspuštanja Saveza nadzor nad imovinom Saveza će biti povjerena NS F BiH do ponovnog formiranja saveza. Članice Saveza ne mogu imovinu podijeliti između sebe.

Primjena

Član 69.

Ovaj prečišćeni tekst Statuta usvojen je na sjednici Skupštine Saveza, održanoj 25.01.2012.godine i primjenjuje se osam dana od dana usvajanja na Skupštini NS SBK/KSB.

Član 70.

Stupanjem na snagu ovog Statuta prestaje da važi Statut NS SBK/KSB, usvojen na sjednici Skupštine NS SBK/KSB 24.11.2008. godine.

Obaveza prilagođavanja sadašnjih statuta

Član 71.

- 1 Obavezuju se članice saveza da svoje statute usklade sa ovim Statutom najkasnije do 25.04.2012. nakon usvajanja prečišćenog teksta ovog Statuta, a druge akte u roku od šest mjeseci.
- 2 Svi organi Saveza moraju svoje akte, pravilnike i poslovnike uskladiti sa ovim Statutom u roku od šest mjeseci od dana usvajanja prečišćenog teksta ovog Statuta.
- 3 Do usaglašavanja sa ovim Statutom primjenjivat će se odredbe postojećih pravilnika i poslovnika i ostalih akata Saveza koji nisu u suprotnosti sa ovim Statutom.
- 4 Tekst Statuta će se štampati na službenim jezicima Saveza.

Dopredsjednik

/Trbović Behudin/

Predsjednik

/Bilješko Anto/

Generalni sekretar

/Miškić Anto/